

MAITE BASURTO OTSAGABIA

D Maila | Bertsoa | 2. saria



AZKEN BEGIRADA

AZKEN BEGIRADA

Doinua: Badira hiru aste

Ile zuria, esku leunak
zimurtutako azala
denok dakigu noizbait unea
iritsi egingo dala
haizeak hostoak eramaten
dituenean bezala
pixkanaka bazoaz ihesi
denbora pasatu ahala.

Zure eskuen berotasunaz
gaituzu hazi ta hezi

zuri dizugun mirestasuna

nahiz eta zuk ez sinetsi.

Zure bizitzan zehar gainditu

dituzu oztopo, hesi...

baina beti momentu bakoitza

bihurtu duzu berezi.

Egun hartako begirada bat

eskainitako azkena

ez dudala berriz ikusiko

onartzea zait zailena

amona badoala entzunda

nik sentitu nuen pena

zuri esker ni banaizelako

gaurko egunez naizena.

Gaur ez zauden hontan joan nahi nuke

nik zure besoetara

eta nire indar guztiekin

zuri eman besarkada

nahiz eta ezin izango dudan

jakin maite zaitudalala

izan zenuen azken taupada

maite zaitugunok gara.